

آراسنه آلوب اوپورك دیردی که - بن دنیاده بالکنز
رفعی سومک ایچون یاشایورم ! . . .

اتها

ب ض



کچن سنه برترهنگاهه کیتشمدم نکاممه تصادف
ایدن مزارستانده برورم شهیده سی مقبری کور -
دم بی دلخون و متاثر ایتدی شو منظومه بی یازدم.

بوياه اون يش ياشنده محو اولدک
ای ورم دیده ای شهیده دیمک
صاراروب غنجهلر کبی صولدک
ایلدک موتی سن چشیده دیمک

§

سنگ قبرنده بر نشان واردی
که : ورمدن شهید اولان زهرا :
اوزمان کوزلوم فان آغلاردی
چونکه بیلیرم بو اسمی بن حالا !

§

قولاغنده حزین صداسی آتک
کر به ناک ایلپور بی هر آن
یاده کادیکه خوش اداسی آتک
آقیور دیده دن دماپ جان

§

سن کلستان کوی اخراده
کر ملکنله ای ورم دیده
بن محزار فانی دنیاده
کزیم پر ملال رنجیده

§

ای اجل تیغ خونفشنگه
قیدک آخر ترابه آتدک سن
باد پر دهشت خزانکله
زلف زربنی طاغدتک سن

§

دیدي بر کون بکا او یار جنان
: ورمک نیچمسنده ایکیورم
قلب مقوموم و زاردن هر آن
کلن آه و فغانی دیکلیورم :

§

ای وجود ای خیال دلپرور
نیچون اولدی سکا لباس او کفن
ای بنم کوکلی آلان دختر
نیچون اولدی سنک یرک مدفن

§

آه زهرا ! ایس جانم ایکن
بی ترک ایلدک جیقوب کتدک
سن نیم نشوه بخش آتم ایکن
بی آن و حیاته خصم ایتدک

§

کاشاته کوسوب ای ماه جبین
عاشق غمزدی آغلادتک
سر قبرکده طوروب بوياه حزین
اشک خونینتی باق چاغلادتک

§

زائر اولدم مزارکی ای ماه
بو کون ایسته حزین و کریمه کنان

قبرینک اول غبارینی بالله
اشک چشمه ایصلادم جانان

۸ تموز سنه ۱۳۱۱ م . علی



محفوظات ادبیه

نعمه

ای نعمه ندای حقمبیین سن ؟
تأثیرده روحه شدتک وار !
عجاز نمای حقمبیین سن ؟
تقلیب حیاته قدرتک وار :
بیدار سنکله جان خفته
بر سرغریبیین نهفته .

§

عرشه اولنور سنکله اعلا
کلبانک تضرعی عبادک .
شوقک غلبان ایدردی پیدا
خوننده کتاب جهادک .
قدسیتی کوسترن بوشیار
علویتکه دلالت ایلر .

§

داود ایدی مظهر کلاک
آندن بزه یادکاریین سن .

آدمله ده اولدی حسبحالک
انسانه بک اسکی یارسین سن .
تعقیب زمان ایدر طوریرسین
حالاینه تازه تر طوریرسین .

§

دوشدکجه مجازه طوغری راهک
حال اهله قیله کاه اولورسین .
اولدقجه حسینی جلوه کاهک
مشعل کش آه و واه اولورسین
عشاقه صفا لی یار جانسین
اسرار خدایه تر جانسین !

§

طولدقجه سنکله کوش هوشم
روح سوزیلور کیدر سایه .
صوتک کبی فکر پر خروشم
اول فیض ایله باشلار اعتلايه
پر عشق و ضرام اولوب دروشم
کریان نشاط اولور عیونم .

§

جانانی عرض ایدردک البت
بر صورت آلوب تحیم ایتسهک .
تقریرک اولوردی هپ محبت
تحریرک لب تکلم ایتسهک .
واردرده کورونیمور وجودک !
سوزدرده بیلنیمور سرودک !

§